



CBC, Maampii Temigad onji Ganaada 2025-2030 Nda Gashkitowin

Maandobiigan owi nda gashkitowin

CBC/Radio-Ganaada aawon bemaadizijig inaa jimowin zhichigewin: ndo inaangizhewinaa aawon awii dibaajimo-aangh, waaseyendamochige-aangh miinwaa wawiiyaadendamachigengh kina gwaya, maziwe Ganaada. Ndo ayaami zhiinda giin onji, miigwe-aangh etemigag dibaajimowinan owi wenpanag awii makigaadeg, debinigaadeg, e'bibaamendaagwog, miinwaa biskanechigaadeg gdo inendamowin. Ndo gichi nakiimi awii miigwe-aangh debwemigag miinwaa penimandaagwog dibaajimowin owi gagwek aawongh, bwaa misenjigaadeg gego, gagwek aadiziwin miinwaa dibendiziwin; wiikibijigewin miinwaa waaseyendamochige-aangh wawiiyaadendamachigewin waabmdowengh endinakiyingh zhichigewinan; miinwaa majiginamaangh nendowendaagwog aazhidendawinan owi woshme weweni nisastamangh gdo akiiminaa miinwaa zhito-aangh owi maadookidaadiyaangh niigaan bimaadiziwin maamowiyaa-ingh. Ndo zhichigemi maanda owi iniwendaasowin gewe Anishinaabeg, Eshkiimiweg miinwaa Wiisaakodeg; miigwe-aangh debaachigaadeg owi maamidonenjigaadeg newen Giizhaa Agaa Yaajig inaadiziwiniwaa miinwaa Giizhaa Agaa Yaajig iniwewiniwaan zhinda Ganaada. Niinwi n'daawimi owi nyaadimaagemigag owi dikobidemigag onashowe iniwewin dibasigaabiwijig odenwinan onji jiigibiig apiinish jiigibiig apiinish jiigibiig. Ndo nisidwaabmdaanaa ndo inaangizhewinaa awii aasgaabwitamaangh miinwaa mashkosido-aangh Canadian dibaajimowin, dibaajimowemigag miinwaa ishki zhichigaadeg aki bimaadiziimigag miinwaa naadmaagengh newen maajiingh owi maamiwizingh miinwaa wiji nakiindiwin. sanajunnarnirmik avatiujut ammalu ikajurlugit piruqpalliaqullugit piliriqatigiinnikkut katujjiqatigiinnikkullu.

Zhinda ayaangh onji ensa bezhig bemaadizid miinwaa kina gwaya

Ndo gajitowinaa aawon awii dikobinindwaa kina bemaadizijig endaaig zhinda akiingh, onjida zhiibiniketaayaangh gewe gaawii mashi gikenimigsiyaangh maage gewe enendamowaad nonde bimiikwaagaaziwaad. Ndo gagetinaamendamami awii gagetin bizindamongh newen meneziwaad, anokaajigan nankiiwin miinwaa miigwewinan owi mina dewewin miinwaa inendamowin, miinwaa zhito-aangh maanda dibaajimowinan giizhisingh dibigwa iidik ginowaabmdamiwaad wiindamaagewin, awii zhichigaadeg bemaadizijig zhichigewin owi woshme digowendaagwog miinwaa aabajibidemigag.

Awii miigsetowaangh ndo zhichigewinan miinwaa mashkosido-aangh ndo bimaamendaagoziwinaa gewe niigaan awaa bimaadizijig, ndo bezhgwaabmdaanaa newen niswi bemaadizijig ayaawijig:

- Binoojiinig miinwaa eshkiniigijig: Ngii gikendaanaa maanda ayaanike nitaawigijig aawiwog waasamo-asabi mazina-igan-ntam miinwaa memdage nda gikendamowaad maziwe-kamig waasamo-asabi biiwaabikoongh dibaajimowin etemigag. Ndo maanenjigewinaa aawon awii debibido-aangh ado ginowaabmjigewin, ombinigaaziwaad miinwaa aasgaabiwitaagaaziwaad owi Canadian dibaachigaadeg etemigag age wenpanag awii makigaadeg, awii zhichigaadeg owi gagage wiijii-ewin onji biinoojiin-iing miinwaa ani bigwaad.
- Oshki Digoshinajig: Ganaada aanjinaagwod onji oshki digoshinajig miinwaa owi aawongh owi maziwe kiingh inaadiziwin nankiiwin, ndo gagetinaamendamami owi aanjinaagwog ndo miigwewinaan owi woshme weweni bimiikiwindwaa ninda bebakaan ayaawijig dinakiiwaad zhiwe odenwinan. Ndo dowendaanaa ensa bezhig oshki digoshingh awii izhayaawaad dibendaagoziwaad zhinda, wiindamaagaaziwaad, miinwaa wawiiyaadendamachigengh owi e'digosingh owi waabmdowemigag owi ado bimaadiziwin miinwaa nendowendamowaad. Zhiwe bimaadendaagwog, nga naadmaagemi awii wenipanag owi wiijii-ewaad oshki digoshinajig owi onashowe iniwewin naawaaj odenwinan, dash giikinamongh ndo bimaamendaagoziwin.
- Gaawii enkaasigwaa maage menwaabmdaziwaad enkaazijig: Gwanda bemaadizijig miigwemigag owi memaanji maanendaagwog niinwi onji, owi memaanji awongh zaam inendiziwog noondaaj nakiitwindwaa maage nenimigaaziwog. Ndo ginowaabmdaanaa maanda maanenjigewin aawongh bezhig zhisewin owi digoyaangh dinaangidoniwin, awii waabmdowemigag ado bimaadiziwiniwaa, miinwaa awii miigwengh e'digosingh e'wiindamaagemigag miinwaa wawiiyaadendamachigengh.

Niswi Menjigonimaangh Zhinomaagiyaangh ndo Nakiiwinaa

Owi 2025-2030 mazinikaadeg nankiiwin nenda gashkitoongh zhichigaademigad newen niswi naagaanendaagwog menjigonimaangh, gagwekwendaagwog ayaa-aangh zhinda giin onji, dibigwa-iidik ayaayin:

Jiigawiingh

Ndo gagetinaamendamami awii mashkowaatowaangh ndo jiigawiingh miinwaa akiins ayaa-aang, woshme besha ayaa-aangh gewe bemaadizijig enkiitwindwaa, mendage gwa onashowe iniwewin dibasigaabiwijig odenwinan miinwaa Giizhaa Agaa Yaajig Bemaadizijig. Maanda aawon ayaa-aangh zhiwe ayaawaad miinwaa waabmdowe-aangh ayaawiwaad: dibaatamiwaad dibaajimowiniwaan owi debwemigag, ombishkaamigag ndo wiijii-ewin gewe e'digosingh eshtojig, miinwaa dibaachigaadeg newen gegeti naagaanendaagwog newen odenwinan.

Waasamo-asabi mazina-igan Wawiingeziwin

Owi gizhiibidemigag aabaji aanjisemigag waasamo-asabi mazina-igan ayaawong, ndo aanjichigemi awii gagwekwendamaangh ndo zhichigewinan woshme weweni makigaadeg miinwaa bibaamendaagwod, miigwengh e'digosingh mazina-aganan owi wenaabmdamangh. Owi gagwek dibaabiishkodamaangh dibabi gindaasowin, ndo debinaanaa woshme nisidwaabmdamaangh gdo misendamowinan, ombinimaangh zhisewin miinwaa nikaaziwin newen ndo zhichigewininaa. Nenda gashkito-aangh aawon owi woshme nisastamaangh miinwaa wiikibijigaaziwaad nondesemigag bimiikiwindwaa bizindamajig, e'digoyaawaad eshkiniigijig miinwaa oshki digoshinajig, owi bimiikiwindwaa wegwen gwa ayaawaad zhiwe owi waasamo-asabi mazina igan ezhinaagwog.

Bijigaaziwaad Bemaadizijig Maamowi

Ndo gagetinaamendamami awii bamendamong dikobizowinan maziwe kina odenwinan, aanke bimaadiziwin miinwaa ishkwe-aang ayaawong, miinwaa zhito-aangh temigag onji ombendaagwog dinaangidoniwin miinwaa wiiji nisastamiwin owi minaajichigaadeg owi gitichi piitendaagwog gdo inaadiziwininaa miinwaa aanji mashkochigaadeg owi debendiziiyingh. Zhiwe nenda gashkitoongh owi wiiji-nakiindwin miinwaa nowonj dnowaa dibaajimowinan, nga naadmaagemi miigaajigaadeg wezhige wiindamaagewin, naadmaadamongh waasamo-asabi mazina-igan nigajiiwin miinwaa aasgaabiwichigaadeg inaadiziwin dibaachigaadeg. Nga ayaami zhiwe apii newen temigag mina-wendamowin miinwaa ishpendamowin miinwaa newen maanendaagwog apii, zhitoongh maadokidaadingh gikendamowinan.